

Venetia cum Istria, in qua est Aquileia.

Alpes Cottiae.

Samnium.

Apulia cum Calabria, in qua est Tarentum.

Brutia cum Lucania.

Rhætia prima.

Rhætia secunda.

Sicilia.

Sardinia.

Corfica.

II.

DESCRIPTIO
PROVINCIA-
RUM ITALIÆ
EX PAULO
DIACONO.
a Paul. Diac.
lib. 2. de gestis
Longob. cap.
14.

Sic autem omnes à Paulo Diacono in historia ^a de gestis Longobardorum describuntur: *Venetia non solum in paucis Insulis, quas nunc Venetias dicimus, constat, sed ejus terminus à Pannoniæ finibus usque Adduam fluvium protelatur. Probatum hoc annalibus libris, in quibus Bergamus civitas esse legitur Venetiarum. Nam & de lacu Benaco in historiis ita legimus: Benacus lacus Venetiarum, de quo Mintius fluvius egreditur. Eneti enim, licet apud Latinos una litera addatur, Græcè laudabiles dicuntur. Venetiæ etiam Histria connectitur, & utraque pro una provincia habentur. Histria autem ab Histro flumine cognominatur, quæ secundum Romanam historiam amplior, quam nunc est, fuisse perhibetur. Hujus Venetiæ Aquileia civitas extitit caput, pro qua nunc Forum Julii, ita dictum, quod Julius Cæsar negotiationis forum ibi statuerat, habetur.*

^b Idem cap. 15. ^b Liguria, à legendis, id est, colligendis leguminibus, quorum satis ferax est, nominatur, in qua Mediolanum est, & Ticinus, quæ alio nomine Papiæ appellatur. Hæc usque ad Gallorum fines extenditur.

^c Tacit. lib. de Germania. ^c Inter hanc & Suaviam, hoc est, Alemannorum patriam, quæ versus Septentrionem est posita, duæ provincie, id est, Rhætia prima & Rhætia secunda, inter Alpes consistunt, in quibus propriè Rhæti habitare noscuntur. Est autem Rhætia prima inter lacum Brigantium, Rhenum, Danubium & Lycum sita: ut discere est ex Tacito, ^e qui ait, Germaniam omnem à Galliis Rhætiisque & Pannoniis, Rheno & Danubio separari. Secunda autem, quæ olim Vindelicia dicta est, inter Lycum, Danubium, & Aenum, juxta ^d Ptolemæum, qui ait Lyciam flumen, quod in Danubium evolvitur, Rhætiam à Vindelicia determinare.

^d Ptol. O' Αλ-
νίας ποταμός, δ
εἰς τὸν Δανέβιον
ἐμβάλλον διορίζει
τὴν Ραυτίαν ἀπὸ
τῆς Οὐινδελικίας.
^e Paul. Diac.
lib. 2. cap. 16.

^e Alpes Cottie dicuntur, quæ sic à Cottio rege, qui Neronis tempore fuit, appellatae sunt. Provincia hæc à Liguria in Eurum versus usque ad mare Thyrrænum extenditur, ab occiduo verò Gallorum finibus copulatur. In hac Aquis, ubi aquæ calidæ sunt, Dertona & Monasterium Bobium, Genua quoque & Saona civitates habentur: quæ tamen secundum alios ad Liguriam spectant, ut legere est in Notitia antiqua vetusti Codicis Thuani, quo hæc habentur: In provincia Liguriensi civitates viginti. Civitas Mediolanum, Metropolis. Civitas Vigintimiliensium. Civitas Albingensium. Civitas Vuadis. Civitas Genua. Civitas Tarentona. Civitas Eboreia. Civitas Taurinis. Civitas Alba. Civitas Astensis. Civitas Aquis. Civitas Vercellis. Civitas Noveria. Civitas Cremona. Civitas Bergamo. Civitas Lauda. Civitas Regio. Civitas Parma. Civitas Brixia. Civitas Curia.

Ibidem.

Thuscia à Thure, quod populus illius supersticiosè in sacrificiis Deorum suorum incendere solebat, sic appellata est. Hæc habet intra se Circium versus, Aureliam, ab Orientis verò parte Umbriam. In hac provincia Roma, quæ olim totius mundi caput extitit, est constituta. In Umbria verò, quæ istius in parte ponitur, Perusium & Lacus Cliterius, Spoleturnque consistunt. Umbria autem dicta est, quod imbris superfuisset, quum aquosa clades olim populos devastaret.

Idem cap. 17.

Campania ab urbe Roma usque ad Siler Lucaniæ fluvium perducitur, in qua opulentissimæ urbes, Capua, Neapolis, & Salernus constitutæ sunt. Quæ ideo Campania appellata est propter uberrimam Capuæ planiciem.

Cate-